

Reglar ils affars da banca durant in café

Reavertura da la BCG Tusaun

Cuira, ils 22 d'october 2018 – Sunter ina fasa da renovaziun da set emnas è oz glindesdi vegnida averta la nova sedia regionala da la Banca Chantunala Grischuna (BCG) a Tusaun. Las clientas ed ils clients spetga ina halla da clientella cumpletmain nova ed ina pli vasta cussegliaziun.

La BCG ha modernisà sia [sedia regionala a Tusaun](#) ed adattà ella als novs basegns da la clientella. Markus Kohler, manader da la regiun Tusaun, e ses team porschan a las clientas ed als clients anc adina l'entira paletta da servetschs da banca. Da quella fan part la cussegliaziun d'investiziuns e l'administraziun da la facultad sco era la finanziaziun ed il provediment. Igl è era vinavant pussaivel da reglar simpels affars da banca sco empustar cartas e far pajaments.

Nova halla da clientella sco lieu d'inscunter

La nova sedia regionala na dispona dentant da nagins spurteglis classics pli. Enstagl da quels è vegnida installada en la nova halla da clientella ina recepziun moderna e centrala. Las clientas ed ils clients vegnan retschavids en in'atmosfera agreabla e discreta: ils cussegliaiders sa movan libramain e beneventan a moda directa las clientas ed ils clients. In chantun cun lounge envida da far ina pausa e vegn nizzegià per tgirar il contact cun la clientella. En questa moda po la BCG sa posizionar sco banca da cussegliaziun moderna. «Grazia al nov concept da filiala essan nus anc pli damanaivel da nossas clientas e da noss clients ed avain dapli temp per dumondas individualas», sa legra Markus Kohler.

Cun ses nov concept da filiala reagescha la BCG sin ils basegns da la clientella ch'èn sa midads ils ultims onns. Adina dapli clientas e clients reglan ils affars da banca sur ils chanals electronics. En las filialas vegnan els surtut per cussegliaziuns personalas. Adina pli paucas personas retiran daner contant al spurtegl. Tras quai èn las transacziuns als spurteglis sa reducidas ils ultims sis onns per var tschuncanta pertschient.

Automats moderns

Per simpels affars da banca stattan a disposiziun en la sedia regionala a Tusaun apparats multifunzionali che porschan ils suandants servetschs: far pajaments e retrair daners en francs svizzers ed euros cun scumpartiziun da las notas tenor giavisch, transportar daners d'in conto a l'auter sco era consultar il saldo dal conto. En cas da basegn sustegnan ils cussegliaiders a la recepziun las clientas ed ils clients. Ordaifer ils temps d'avertura èn ils automats accessibels en la zona da 24 uras.

Il contact personal stat en il center – dapli soluziuns digitalas

La BCG Tusaun è averta da glindesdi fin venderdi, da las 8.30 fin las 12.00 e da las 13.30 fin las 17.00. «Discurs da cussegliaziun individual èn pussaivels sin dumonda betg mo en las localitads da la banca, mabain er a chasa tar las clientas ed ils clients», accentuescha Markus Kohler l'impurtanza dal contact personal. A medem temp investescha la BCG en sias purschidas digitalas per simplifitgar a las clientas ed als clients ils affars da banca. Exempels èn il [center da clientella](#), nua ch'ils clients pon empustar online daner contant e laschar trametter quel per posta a chasa u era fixar in termin da cussegliaziun. Dapli davart las soluziuns online per reglar ils affars da banca da tuttas uras sin gkb.ch/digital.

Contact per ils collavuratur da medias:

Banca Chantunala Grischuna, Medias & Investor Relations, chascha postala, 7001 Cuir

Thomas Müller, thom.mueller@gkb.ch, telefon +41 81 256 83 11

Nadja Maurer, nadja.maurer@gkb.ch, telefon +41 81 256 88 01

La Banca Chantunala Grischuna sin:

gkb.ch/medien | [Twitter](#) | [Facebook](#) | [YouTube](#) | [Flickr](#) | [Xing](#)

Banca Chantunala Grischuna – il leader en il Grischun

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. La banca occupa 996 collavuraturas e collavuratur (stadi dals 30-06-2018). En il chantun Grischun cun sias numerusas vals e pliras linguas, è l'interpresa represchentada cun 53 agenturas, la sedia principala sa chatta a Cuir. La Banca Chantunala Grischuna è participada a la Banca Privata Bellerive SA a Turitg ed a la Albin Kistler SA a Turitg. En il rendaqint semestril preschenta ella cun ina summa da bilantscha da CHF 26 milliardas in gudogn dal concern da CHF 99,4 milliuns. Il scrit da participaziun BCG è quotà a la bursa dapi ils 10 da settember 1985.

Termins

Quint annual 2018: 8 da favrer 2019

Radunanza dals participants: 4 da matg 2019
